



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Agenda, Sev Ritvale Osnabrvdense**

**Franz Wilhelm <Osnabrück, Bischof>**

**Coloniæ Agrippinæ**

Benedictio Fontis Baptismi extra Sabbatum sanctum Paschæ, &  
Pentecostes, cum aqua consecrata non habetur.

**urn:nbn:de:hbz:466:1-41233**

men querit, & interrogat: N. Abrenuntias Sata-  
næ, &c. & baptizandum, Oleo sacro, in pectore &  
inter scapulas, inungit; & sedet cum mitra: quo facto,  
accipit stolam, & pluviæ album. Et, cum rursus in-  
terrogat de fide, Credis in DEVM, &c. Vis ba-  
ptizari, &c. & cum baptizat per infusionem, sedet  
cum mitra. Si vero baptizat per immersionem, mi-  
tram retinens, stare debet.

Cum demum Chrismate verticem baptizati linit,  
& dat ei vestem candidam, & candelam accensam, ac  
dicit, Vade in pace, &c. sedet cum mitra.

Quæ omnia pro faciliiori Baptizantium commodi-  
tate superius, in Baptismo parvulorum, in margine  
sunt annotata.

Pag. 14  
& seqq.  
usque ad  
28.

Si autem Pontifex quempiam, à Presbytero jam  
catechizatum, tantum baptizare voluerit, sic para-  
tus vestibus albis incipiat, postquam ad Baptisterium  
deventum fuerit, dicens: Quo nomine vocaris?  
Resp. N. Episcopus interrogat: N. Credis in Deum  
Patrem omnipotentem, &c. & prosequitur us-  
que in finem, juxta Ordinem Baptismi, ut supra.

Pag. 24.

Benedictio Fontis Baptismi extra Sabba-  
tum Paschæ & Pentecostes, cum aqua  
consecrata non habetur.

**P**rimum, lavatur & mundatur vas baptisterii, de-  
inde limpidâ aquâ repletur. Tum Sacerdos cum  
suis Clericis, vel etiam aliis Presbyteris, Cruce, &

duobus



duobus cereis præcedentibus, ac thuribulo & incenso, & cum vasculis Chrismatis & Olei Catechumenorum, descendit ad Fontem, & ibi, vel ante Altare Baptisterii, dicit Litaniam ordinariam, prout habetur infra post septem Psalmos Pœnitentiales.

Pag. 146.

Et ante Vers. Vt nos exaudire digneris, dicat, & secundo repetat, sequentem versum:

Vt fontem istum, ad regenerandam tibi novam prolem, benedicere ✠ & consecrare ✠ digneris, Te rogamus audi nos.

Potest etiam dici Litania brevior, ut in Missali, in Sabbato sancto, prout habetur infra: & dicto ultimo Kyrie eleison, Sacerdos dicat, Pater noster, & Credo in Deum, &c. omnia clarâ voce: quibus finitis, dicat Vers. Apud te, Domine, est fons vitæ. Resp. Et in lumine tuo videbimus lumen. Versus. Domine exaudi orationem meam. Resp. Et clamor meus ad te veniat. Vers. Dominus vobiscum. Resp. Et cum spiritu tuo.

Pag.

Oremus.

**O**Mnipotens sempiterne Deus, adesto magnæ pietatis tuæ mysteriis, adesto Sacramentis, & ad recreandos novos populos, quos tibi fons Baptismatis parturit, Spiritum adoptionis emitte; ut, quod nostræ humilitatis gerendum est ministerio, virtutis tuæ impleatur effectum. Per Dominum nostrum

I

Iesum



Iesum Christum, Filium tuum, qui tecum vivit & regnat in unitate Spiritus sancti Deus, per omnia sæcula sæculorum. *Resp.* Amen.

*Exorcismus aquæ.*

**E**Xorcizo te creatura aquæ, per DEVM vivum ✠, per DEVM verum ✠, per DEVM sanctum ✠, per DEVM qui te, in principio, verbo separavit ab arida, cuius super te spiritus ferebatur, qui te de paradiso manare iussit,

*Hic manu aquam dividat, & deinde de ea effundat extra marginem Fontis versus quatuor Orbis partes, prosequens:*

& in quatuor fluminibus totam terram rigare præcepit, qui te in deserto amaram per lignum dulcem fecit atque potabilem, qui te de petra produxit, ut populum, quem ex Ægypto liberaverat, siti fatigatum recrearet. Exorcizo te & per Iesum Christum, Filium eius unicum, Dominum nostrum; qui te in Cana Galilææ, signo admirabili, suâ potentiâ convertit in vinum; qui super te pedibus ambulavit, & à Ioanne in Iordane in te baptizatus est; qui te unâ cum sanguine de latere suo produxit, & discipulis suis iussit, ut credentes baptizarent in te, dicens: *Ite, docete omnes gentes, baptizantes eos in nomine*

*Patris,*



Patris, & Filii, & Spiritus sancti: ut efficiaris aqua sancta, aqua benedicta, aqua quæ lavat fordes, & mundat peccata. Tibi igitur præcipio, omnis spiritus immunde, omne phantasma, omne mendacium; eradicare & effugare ab hac creatura aquæ, ut, qui in ipsa baptizandi erunt, fiat eis fons aquæ salientis in vitam æternam, regenerans eos Deo Patri, & Filio, & Spiritui sancto, in nomine ejusdem Domini nostri Iesu Christi, qui venturus est judicare vivos & mortuos, & sæculum per ignem. *Resp. Amen.*

Oremus.

**D**omine sancte, Pater omnipotens, æterne Deus, aquarum spiritualium sanctificator; te suppliciter deprecamur, ut ad hoc ministerium humilitatis nostræ respicere digneris, & super has aquas, abluendis & purificandis hominibus præparatas, Angelum sanctitatis emittas, quo, peccatis vitæ prioris ablutis, reatuque deterfo, purum sancto Spiritui habitaculum regenerati effici mereantur. Per Dominum nostrum Iesum Christum Filium tuum, qui tecum vivit & regnat in unitate ejusdem Spiritus sancti Deus, per omnia sæcula sæculorum. *Resp. Amen.*

*Tunc sufflet ter in aquam versus tres partes, se-*



*cundum hanc figuram ✠: deinde imponit incensum in thuribulo, & fontem incensat: postea, infundens de Oleo Catechumenorum in aquam, in modum Crucis, clarâ voce dicit:*

Sanctificetur & fecundetur Fons iste Oleo salutis renascentibus ex eo in vitam æternam, in nomine Patris ✠, & Filii ✠, & Spiritus sancti ✠. *Resp. Amen.*

*Deinde infundit de Chrismate, modo, quo supra, dicens:*

Infusio Chriftatis Domini Iesu Christi, & Spiritus sancti Paracliti, fiat in nomine sanctæ Trinitatis. *Resp. Amen.*

*Postea accipit ambas ampullas dicti Olei sancti & Chriftatis; & de utroque simul in modum Crucis infundendo, dicit:*

Commixtio Chriftatis sanctificationis, & Olei unctionis, & aquæ Baptismatis, pariter fiat, in nomine Patris ✠, & Filii ✠, & Spiritus sancti ✠. *Resp. Amen.*

*Tum depositâ ampullâ, dexterâ manu Oleum sanctum & Chrisma infusum miscet cum aqua, & spargit per totum Fontem. Deinde medullâ panis manum tergit; & si quis baptizandus est, eum baptizat, ut supra. Quod si neminem baptizat, statim manus abluat; & ablutio effundatur in sacrarium.*